

Na osnovu člana 6. Zakona o ublažavanju negativnih ekonomskih posljedica Srednjobosanskog kantona (Službene novine SBK broj: 7/20), Odluke Vlade SBK o usvajanju Programa korištenja sredstava sa kriterijima za ostvarivanje prava za prvi mjesec važenja Zakona o ublažavanju negativnih ekonomskih posljedica i dodjelu finansijskih sredstava, broj: 01-11.7-474/2020 od 10.07.2020.godine, Odluke Vlade SBK o usvajanju kriterija korištenja sredstava za ostvarivanje prava za dodjelu finansijskih sredstava broj: 01-11.7-473/2020 od 10. 07.2020.godine, Ministarstvo privrede SBK raspisuje:

**JAVNI POZIV
ZA DODJELU FINANSIJSKIH SREDSTAVA FIZIČKIM LICIMA
REGISTROVANIM KOD NADLEŽNIH OPĆINSKIH ORGANA KOJA SU U
2020. GODINI IMALI PAD OD 20 % I VIŠE OSTVAREN OG PROMETA
UZROKOVAN PANDEMIJOM COVID-19 U ODNOSU NA ISTI MJESEC
2019. GODINE**

I PREDMET

Pozivaju se fizička lica registrovana kod nadležnih općinskih organa koja nisu ostvarila prava po prvom Javnom pozivu pravnim i fizičkim licima sa pravnim subjektivitetom kojima je naredbama štabova civilne zaštite bio zabranjen rad broj: 01-11-186/20 od 05.05.2020. godine, drugom Javnom pozivu pravnim i fizičkim licima sa pravnim subjektivitetom kojima je naredbama štabova civilne zaštite bio zabranjen rad broj: 1-11-186-2/20 od 29.05.2020. godine te po Javnom pozivu za poslovne subjekte koji su u mjesecu aprilu 2020. godine imali pad 20% i više ostvarenog prometa u odnosu na isti mjesec 2019. godine od 22.07.2020. godine, a imali su u mjesecu aprilu 2020. godine pad od 20% i više ostvarenog prometa u odnosu na isti mjesec 2019. godine, da se prijave na Javni poziv kojim će ostvariti pravo na subvencioniranje dijela minimalne neto plate za mjesec april 2020. godine, shodno raspoloživim sredstvima u Budžetu Srednjobosanskog kantona.

II PRAVO NA PODNOŠENJE PRIJAVE

(1)Pravo na podnošenje prijave imaju fizička lica registrovana kod nadležnih općinskih organa koji imaju sjedište na području Srednjobosanskog kantona, ako ispunjavaju sljedeće uslove:

- a) da su imali pad 20% i više ostvarenog prometa u mjesecu za koji apliciraju u odnosu na isti mjesec 2019. godine (Napomena: Za utvrđivanje pada prometa/prihoda za obaveznike koji su registrovani nakon aprila 2019. godine, uzima se prosjek prometa/prihoda ostvarenog u 2019.godini ili prosjek prometa/prihoda za prva dva mjeseca 2020. godine za obveznike registrovane u 2020.godini);
- b) da su ispunili obaveze po osnovu javnih prihoda zaključno sa 29.02.2020.godine ili da imaju potpisan Sporazum o izmirenju obaveza;
- c) da nisu raskinuli ugovor o radu uposlenicima u periodu od proglašenja prirodne nesreće (18.03.2020.godine) do dana objave Javnog poziva, osim onim uposlenim kojima je istekao ugovor o radu ili koji su sporazumno prekinuli

radni odnos;

d) da imaju kod Porezne uprave F BiH prijavljene zaposlene za mjesec u kojem traže sufinansiranje minimalne neto plate za zaposlene.

(2) Na javni poziv nemaju pravo podnošenja prijave:

- a) fizička lica registrovana kod nadležnih općinskih organa čiji su žiro računi bili blokirani prije proglašenja stanja nesreće;
- b) fizička lica registrovana kod nadležnih općinskih organa koji su ostvarili prava po prvom Javnim pozivu pravnim i fizičkim licima sa pravnim subjektivitetom kojima je naredbama štabova civilne zaštite bio zabranjen rad broj: 01-11-186/20 od 05.05.2020. godine, drugom Javnim pozivu pravnim i fizičkim licima sa pravnim subjektivitetom kojima je naredbama štabova civilne zaštite bio zabranjen rad broj: 1-11-186-2/20 od 29.05.2020. godine, te po Javnim pozivu za poslovne subjekte koji su u mjesecu aprilu 2020. godine imali pad 20% i više ostvarenog prometa u odnosu na isti mjesec 2019. godine od 22.07.2020. godine.
- c) fizička lica registrovana kod nadležnih općinskih organa nakon 01.03.2020. godine.

III DOKUMENTACIJA

Uz popunjen obrazac Zahtjeva potrebno je priložiti sljedeću dokumentaciju:

- a) Rješenje o registraciji izdato od nadležnog općinskog organa
- b) Uvjerenje o poreznoj registraciji – ID broj;
- c) Za obaveznike fiskalizacije kopije fiskalnih računa za mjesec april 2019. i mjesec april 2020.godine, ili kopije fiskalnih računa za uporedne mjesece u 2020. godini ukoliko je registrovan u 2020.godini ovjerene vlastitim pečatom.
- d) Ukoliko fizičko lice registrovano kod nadležnog općinskog organa nije obaveznik fiskalizacije, pad prihoda utvrđuje se na osnovu ostvarenog prihoda iskazanog u poslovnim knjigama. Obaveznik samostalni poduzetnik dostavit će svojim pečatom ovjerene kopirane stranice knjige prihoda (samo za uporedne mjesece za koje se traži subvencija);
- e) fizička lica registrovana kod nadležnih općinskih organa koja porez na dohodak plaćaju u paušalnom iznosu podatke o prometu će dostaviti na osnovu svoje izjave ili svoje evidencije.
- f) Ovjerena Specifikacija uz isplatu plaće za uposlene (Obrazac 2001) ili ovjerenu Specifikaciju uz isplatu doprinosa za vlasnika (Obrazac 2002) za februar 2020. godine.
- g) Ugovor o radu i/ili sporazum o raskidu ugovora o radu (za radnike kojima je istekao ugovor o radu ili koji su sporazumno prekinuli radni odnos) pojedinačno po radniku.

(2) Zahtjev čini sastavni dio javnog poziva i može se preuzeti elektronski na službenoj web stranici Vlade SBK www.sbk-ksb.gov.ba

(3) Dokumentacija mora biti ovjerena od strane nadležnih organa.

IV NAČIN DOSTAVLJANJA PRIJAVE

(1) Ovjeren i potpisan Zahtjev sa potrebnom dokumentacijom dostavlja se Ministarstvu privrede SBK preporučenom poštom na adresu Ministarstva privrede SBK (Stanična 43, 72270 Travnik) sa naznakom: Prijava na Javni poziv za dodjelu finansijskih sredstava fizičkim licima registrovanim kod nadležnih općinskih organa koja su u 2020. godini imali pad od 20% i više ostvarenog prometa uzrokovan pandemijom Covid-19 u odnosu na isti mjesec 2019.godine. (2)

Javni poziv je otvoren 14 dana od dana objave u dnevnim novinama.

V KOMISIJA ZA RAZMATRANJE ZAHTJEVA

(1) Ministar Ministarstva privrede imenuje Komisiju koja razmatra primljene zahtjeva i sačinjava prijedlog odluke o dodjeli sredstava. (u daljem tekstu: Komisija).

(2) Komisija je dužna zadatak obaviti u roku od 30 dana od dana zatvaranja Javnog poziva.

(3) Komisija podnosi izvještaj o radu Ministru Ministarstva privrede s prijedlogom odluke o dodjeli sredstava.

(4) Prijedlog Odluke o dodjeli sredstava Ministar Ministarstva privrede SBK upućuje Vladi Srednjobosanskog kantona koja donosi Odluku o dodjeli sredstava.

(5) Ministarstvo privrede SBK zaključit će ugovore sa svim korisnicima sredstava.

VI OSTALE ODREDBE

(1) Iznos sredstava koja će se dodjeljivati korisnicima zavisit će od raspoloživih sredstava u Budžetu Srednjobosanskog kantona.

(2) Podnosioci prijava na "Javni poziv za dodjelu finansijskih sredstava" mogu uložiti Prigovor u roku od 8 (slovima: osam) dana od dana objavljivanja Liste na službenoj web stranici Vlade SBK.

(3) Ministarstvo privrede SBK ne snosi troškove prema podnosiocima Zahtjeva, te zadržava pravo da Zahtjev prihvati u cijelosti, djelimično ili ga u potpunosti odbije u bilo koje vrijeme prije zaključivanja ugovora. Prispjela dokumentacija neće se vraćati.

(4) Sve dodatne informacije mogu se dobiti svakim radnim danom putem telefona broj: 030/511-217 od 08,00 do 15,00 sati ili putem e-maila: minpriv@sbk-ksb.gov.ba

Broj: 05-15-1806/20
Travnik, 16.10.2020.godine

MINISTAR

Nisvet Hrnjić

Dostavljeno:

- Web stranica Vlade SBK
- Dnevne novine